



Përmbledhje e panairit ndërkombëtar EXPOKOS 2022

Pas një shkëputjeje dy vjeçare dhe shumë sfidave e vështirësive që janë shkaktuar si rrjedhojë e pandemisë, është mbajtur edicioni i 21-të i Panairit Ndërkombëtar EXPOKOS 2022. Këtë vit, i organizuar nën Patronatin e Qeverisë së Republikës së Kosovës, është dëshmuar edhe njëherë se **EXPOKOS** është ngjarja më e madhe në Ballkanin perëndimor që i përket sektorëve të **NDËRTIMIT, ENERGISË, MAKINERISË, MBROJTJES E SIGURISË**.

Përpos bizneseve pjesëmarrëse si ekspozues që i përkasin sektorëve të lartpërmendur, vlenë të ceket edhe pjesëmarrja e Fakultetit të Arkitekturës të Universitetit të Prishtinës, si institucion akademik relevant me konceptin e panairit. Ky institucion ka prezantuar projekte të realizuara nga studentët, programin të cilin e ofrojnë si fakultet dhe shërbimet që i ofrojnë si institucion akademik.

Hapja e panairit është bërë nga ana e **zv. Kryeministrit të Republikës së Kosovës, z. Besnik Bislimi**, i cili ka ofruar përkrahje për bizneset vendore të cilat kanë ambicie për shtrirje në vend dhe në Ballkan, njëkohësisht ka vënë në fokus faktin se çdo ditë janë duke u krijuar lehtësira në mënyrë që të joshen kompanitë e huaja që të investojnë në Kosovë.

Hap konkret i Qeverisë ka qenë përkrahja që u është bërë kompanive vendore prodhuese duke financuar me 80% për pjesëmarrjen në panairin ndërkombëtarë **EXPOKOS**.



Në edicionin e 21 të këtij panairi, gjithsej përfituan 21 kompani vendore prodhuese duke krijuar mundësi të prekshme të shtrirjes në vend dhe jashtë Kosovës.

Për më tepër, gjatë fjalimit të zv. Kryeministrit, është konfirmuar se edicionet e ardhshme të **EXPOKOS** do të organizohen në bashkëpunim me Qeverinë e Republikës së Kosovës.

Gjatë fjalimit në ceremoninë e hapjes **Ministrja e Ekonomisë, Znj. Artane Rizvanolli** shpalosi strategjinë e zhvillimit të sektorit të energjisë për periudhën 2022-2030, ku në fokus është tërheqja e investitorëve në sektorin energjisë së ripërtëritshme.

Si rezultat i ardhjes së investitorëve të rinjë në fushën e energjisë, impakti do të jetë shumë i madh dhe pozitiv që po ashtu do të rezultojë në numër më të madh të pjesëmarrësve si ekspozues në edicionet e ardhshme të panairit.



Nuk ka munguar as promovimi i benefiteve dhe informimi i kompanive të huaja rreth avantazheve të investimeve në Kosovë, ku janë përmendur faktet si çmimet dhe pagat konkurruese, kualiteti i lartë dhe përkrahja e qeverisë për kompanitë që vendosin të sjellin të paktën ndonjë sektor të prodhimit në Kosovë. Kjo gjë është bërë drejtpërdrejtë nga ana e **Ministres së Industrisë, Ndërmarrësisë dhe Tregtisë, Znj. Rozeta Hajdari** në fjalimin e saj dhe në vizitat që i ka bërë kompanive të huaja prezente në panair.



EXPOS 2022 Statistika dhe fakte nga Edicioni i 21-të

Informata mbi ekspozuesit:

Numri i ekspozuesëve vendor: **145**

Numri i ekspozuesëve të huaj: **112**

Kompani të përfaqësuara: **13**

Numri total i ekspozuesëve: **270**

Origjina e Ekspozuesëve: **Shqipëri, Austri, Itali, Gjermani, Belgjikë, Holandë, Maqedoni e Veriut, Kosovë, Mali i Zi, Kroaci, Slloveni, Serbi, Greqi dhe Turqi.**

Informata mbi vizitorët vendor

Vizitorë profesional: **13,500**

Vizitorë të përgjithshëm: **2300**

Totali i vizitorëve vendorë: **15.800**

Informata mbi vizitorët e huaj

Vizitorë profesional: **2800**

Vizitorë të përgjithshëm: **120**

Totali i vizitorëve nderkombetare: **120**

Origjina e vizitorëve: **Shqipëri, Maqedoni e Veriut, Kosovë, Mali i Zi, Kroaci, Slloveni, Serbi, Greqi, Itali, Gjermani, Çeki dhe Hungari**

PËRSHTYPJET

Z. Besnik Bislimi

zv. Kryeministër i Republikës së Kosovës

“Për mua është kënaqësi e veçantë të bëj hapjen e edicionit të 21-të të EXPOKOS, e cila është ngjarja më e rëndësishme jo vetëm në Kosovë por edhe në të gjithë Ballkanin perëndimor. Me këtë ngjarje, është arritur që Kosova të vendoset në hartat ndërkombëtare të ngjarjeve biznesore.”

Znj. Artane Rizvanolli

Ministre e Ekonomisë

“Është kënaqësi për mua të jem këtu sot, të shoh për së afërmi zhvillimet, sfidat dhe sukseset e tregut. Sot do të takoj kompanitë personalisht në mënyrë që të kuptoj më mirë aktivitetet e tyre dhe ti informoj për aktivitetet e qeverisë, gjë që mund të ndihmojnë bizneset gjatë ushtrimit të veprimtarive të tyre.”

Znj. Rozeta Hajdari

Ministre e Industrisë, Ndërmarrësisë dhe Tregtisë

“Jam shumë e lumtur të jem këtu sot së bashku me kolegët e mi, sepse është shumë me rëndësi që Kosova është nikoqire e nje ngjarjeje ku shtete të huaja marrin pjesë.”

Z. Mariano Anthony Davies

Kryetar në Odën Ekonomike e Britanisë në Kosovë

“Ne kemi përcjellur këtë ngjarje specifike për disa vite tani, është kënaqësi e madhe që Oda Ekonomike e Britanisë të jetë këtu. Ne jemi të përkushtuar të ndihmojmë në rritjen e bizneseve dhe të përdorim Kosovën si qendër e biznesit për rajon.”

Z. Marco Locati

Kompania - Beck & Heun – Germany

“Kemi pasur eksperiencë shumë të mirë për këto dy ditë të EXPOKOS, kemi takuar shumë kompani si prodhues të dritareve, dizajnerë, inxhinier dhe kompani ndërtuese, të interesuara për bashkëpunim më kompaninë tonë. Pas panairit, do të kemi një takim me një nga kompanitë ku pritet të firmosim marrëveshje bashkëpunimi.”

Z. Alessandro Zanin,

Kompania - NCB International – Italy

“Kemi vendosur që të marrim pjesë në EXPOKOS që të plasojmë produktet tona në tregun e Kosovës duke gjetur partnerë në Kosovë. Kemi pasur shumë kontakte të mira deri më tani. Përpos shitjes, këtu kemi gjetur edhe furnitorë për nevojat tona.”

Znj. Glardina Keqi

Kompania - Lhyra Balkan – Italy

“Qëllimi i kompanisë tonë është që përmes EXPOKOS, të zgjerohemi në Evropë dhe Ballkan sa më shumë përmes kontakteve të krijuara në këtë panair.”

Z. Armend Demolli

Kompania - BRICKOS

“Qëllimi jonë kryesorë është të promovojmë brendin tonë në Kosovë dhe pse jo edhe më gjerë. Një ngjarje si EXPOKOS me një organizim profesional që po vizitohet nga i gjithë rajoni, na ndihmon shumë të arrijmë qëllimet tona.”

Znj. Arta Januzi Cana

Fakulteti i Arkitekturës - Universiteti shtetërorë i Prishtinës


“EXPOKOS është një mundësi shumë e mirë që të prezantohemi si fakultet dhe të krijojmë kontakte me kompani në fushën e teknologjisë së ndërtimit dhe arkitekturës. Po ashtu është një pikë takimi ndërmjet studentëve tonë dhe punës që i pret pas përfundimit të studimeve.”

Z. Drilon Brahim

Kompania - MONTING

“Kemi vendosur të marrim pjesë në panair me qëllimin e gjetjes së tregjeve të reja si në Kosovë ashtu edhe jashtë saj. Duke pasur parasysh vizitat në panair nga klientë vendor dhe ndërkombëtar, pritshmëritë tona janë të mëdha. Kemi krijuar shumë kontakte me vizitorë të huaj dhe vendor për të cilët do të ofrojmë shërbimet dhe produktet tona në të ardhmen.”

Pamje nga EXPOKOS2022



EXPOKOS në media

EXPOKOS 2022, ka tërhequr vëmendje të madhe të mediave si: portale, agjenci të lajmeve, radio e televizione, media këto që kanë përcjellë zhvillimet para panairit, ceremoninë e hapjes, ditët e ekspozitës dhe përmbylljen e panairit.

EXPOKOS është mbuluar edhe nga dy medie të specializuara online të fushës si: Buletini Ekonomik dhe Ekonomia Online.